

呂明德先生文集

第十冊

卷十八之



明德先生文集目錄

卷之十八

樂府

箜篌引

聖人出


鳥聲度

五言古

心法詩

咏招遠署中竹榴

棲霞山市



與李緝敬論學有感

招緝敬過斗園

豫讓橋

題光武問石人處

美人曲

賦得雪

弔仲子三墓

七言古

淄川弔古

濟河道中

夏日早用蘇長公韻禱海市

再咏海市

陶元暉太守憂旱以詩示答韻

黃山道

登銅雀臺

滁道風雨

歌行

收麥行

望豐山行

五言律

月德先生文集 目錄 卷十八
登泰山絕頂

靈巖朗公石

同傅明府遊甘露泉

謁范文正公祠

長山城樓秋望

中丞張葆一以詩贈別奉和

過淇水憩有斐亭次甘少保韻

暮行汶上

牧羊

雪

兖州道中觀麥苗志喜

和張五鹿杜門作

四月一日憩萌山小亭

行禹城

臨邑喜雨

登州道中

同永平張別駕遊烟霞山

烟霞洞

烟霞洞亭上

望海

登州太守招飲蓬萊閣

晚集蓬萊閣東小亭

同王將軍牛使君集蓬萊閣

觀兵贈王總戎

六月自登還濟道中午征有感

會通河舟中

遊雲門

題陳搏洞卧像

劈山

花林曠

七夕前三夜

登嶧

謁孟廟

春歸病起

望仲子開州墓

許山人次前韻見詒再疊

九月十七夕小集斗園

題南山積慶卷

米仲詔邀集勺園看紅藥

浦子口雨中閱三倉

牛首山下王園

送黃事振入太學

感遇十二首

南庾卽事十九首

明德先生文集卷之十八

樂府

篋篋引 癸酉

公無渡河河水深且蕩漾
搖搖方波颺風復起姑俟于

阿一解公無渡河公不見河之多
滌渦舟楫弗利涯多

泥沙叶桑何切是其中多龍蛇叶唐何切二解
公無渡河菰蘆之澤

謀公孔多公之弗戒中流奈何三解
公無渡河謂予何

知敢儂謹叶胡戈切河流湯湯禍不自予胎叶湯何切
予心靡佗

四解

聖人出 癸酉

聖人出鳳凰儀璽合符麟呈禧黃河清風雨時璫珥燄
灰攬捨星移手握大阿民厯其咨清心寡欲居高聽卑
王道蕩平皇路清夷憂旱步禱解網恩馳庶績允熙繁
祉駢來叶陵切嗚呼堯舜憂皐夔湯文思望伊勉未至行
所知陳仁義慎創垂溺已溺飢已飢意見屏藩籬開叶
其切君子泰丈人師明哉叶陵切良哉喜哉起哉

鳥聲度甲子

入山百鳥衝人上下一似款客者其聲雜出耳目
所全未睹記亦多不可思議最後數鳥宛然云云
與客三聽之乃知如是語是鳥小而多姿有土人

云厓畫眉也一日非是但愛其語可日夕玩味視
所謂路滑滑不如歸去者更深切矣

君不見君豈不見深山多白雲

奈君何喚君君不醒奈君何

五言古

心法詩丙午

何以參天地曰惟此一心心今本最微危者亦相侵微
者使之著危則還於安惟精復惟一萬古此心傳此物
亦非遠飛躍機自顯此物亦非近終身由不盡然則如
之何幾希原無多只此一幾希聖在從此岐堯以此命

明德先生文集卷之十八
二
舜舜以此命禹授受一心法道脉別無主要學大聖人
何處求衣鉢檢點天理心靜中仔細磨湛湛一萌芽夜
氣凝雨露莫教斧斤伐莫教牛羊牧第彼種種者且晝
時相媾得此爲聖賢失此爲禽獸嗚呼慎之哉拳拳屬
靈臺勿謂是何傷其禍終將長勿謂是何害其禍終將
大涓涓能幾多蕩蕩可若何一炬能幾多燎原可若何
此心一放逸圖之竟何及我懷顏氏子克己以復禮勿
以非禮視勿以非禮聽勿以非禮言勿以非禮動時時
勤拂拭時時勤芟夷庶幾精與一常與聖賢對這個幾
希關渾與天地會見得天地心完得聖賢真真心果不

滅庶不遠于仁仁爲人安宅舍此奚站脚纔說待明日
便已爲不可嗚呼及時哉時乎不再來君不見大禹寸
陰尚自惜况非大聖人可不惜寸陰寸陰何以惜惜之
如寸金寸金失可覓寸陰何處尋所以大聖人兢兢惜
寸陰昔日陶士行亦云惜分陰要求入聖路便此是法
門

咏招遠署中竹榴

丙辰

小小庭院裏榴花間竹叢竹以比君子勁節心本空栽
砌庭棲鳳投波杖化龍花以比少婦新妝妖豔中亂亂
紅綃碎深深翠幄籠花笑竹冷淡竹嫌花特濃若入俗

人眼悅目易為容我有冷然意所見獨不同舉杯酌故人共汝傲東風亦復問花神能得幾回紅只恐花烘殘竹隕湘山淚我意都不關酪然拚一醉

棲霞山市 乙卯

海市之說世稔傳之未聞有山市也往白華池謂余棲霞大方有山市焉余亦未深信也間閱東牟志果有之是歲乙卯夏余按部棲霞薄暮峰雲繚繞皆如城廓臺榭人物花鳥之狀已抵蓬萊禱海市見焉與棲霞所見不殊嗟乎海市與山市一耳乃海市自眉山後世人艷稱之而山市顧安所得

識錄者柳柳州曰美不自美待人而章余特表而出之愧非其人也吁世之美而不章者獨山市也哉後之觀于斯者亦可以感矣

人知有海蜃不知有山市棲霞晚照中凝眸果奇詭轟轟眾山中插天峰攢壘四圍翠屏環蓊葱萬松芋雲飛正蒙茸霧擁多逶迤曳曳如長城突兀樓閣起棖楠敞雙扉旌旗搖百雉傍有樹參差下有浪披靡有烟茅屋炊有艘長江艤危飲巢父牛危織天孫綺健如舞蛟龍亂如群鹿豕突如下昆陽儼如曳金紫誤入武陵源飛來羨門子變幻目難窮環看心試擬恐是海蜃靈天空

氣徒倚市見非因禱我乃驟然喜自古有海市名從坡
仙美嗟我看山市山雲聊爾爾海市與山市大率畧相
似若作兩項觀終昧一源理試看市見時島漫峰雲駛
試看市隱時海潮山空峙市獨山海乎世局皆如此隱
見安可憑浮雲而已矣

與李緝敬論學有感

癸亥

是人好紛糾畢世不能了非其脚跟浮則以眼孔小骸
竅及心知些子不曾少所以讓古人只緣未聞道中據
與旁營紛紛相纏繞瞥然放得下雲空秋月皎

古今多貴遊何以同腐草畢竟世趣外別有真斧藻聖

賢無秘法只此寸心好雖其閱世深一如在襁褓休說
夢中夢卽是寶山寶下手各由人只今認頭腦

交口說理解儘似都分曉及觀所體認居然任顛倒辟
如飢說米其能救灰槁不如炊作飯能使腸胃飽猶恐
有飽意留作心胸擾雲霧任往來青天不可掃

招緝敬過斗園

癸亥

携手過東籬猶放重陽花此中清頗韵無花亦自嘉促
燈談素心烟濕僧煮茶小摘霜菜葉聊以冷奢華調笑
見至理泉石腴齒牙索火極夜探隣樹高昏鴉

豫讓橋

戊辰

古人非輕身所許在知已炭漆寧易事周粟同所恥孤
志媿二心豈思勒青史無復橋下人空流橋下水橋水
何潺潺穿石清見底洗人洗塵面腸胃不可洗

題光武問石人處

戊辰

陳蹟多荒唐斷石橫道旁傳說漢中興拔劍起南陽不
信石人事劍痕尚微茫曾射李廣虎或叱初平羊天地
何不有胡獨疑蕭王但怪石多言實詒厥身殃願言介
如石易訓聖括囊

美人曲

甲子

美人出金屋風吹衣袖香雙臉暈桃花耳懸明月瑤眼

媚剪秋水笑語聲琅琅纖手如柔荑能裁雲作裳澡雪
不知辛夜績分餘光閨愁積萬斛何心踏春陽誰爲阿
紫狐鼓舌如熟簧能使美人惑言動多失常心欸如聽
冰日午或倦妝侍鬟戒傷汝頗思習括囊巧言旣虎假
曳尾方鴟張一呼信多群豈惟黑衣郎華表不能照誰
掘架廣牆君子慎其微中夜憂徬徨挺笏擊妖物美人
終不狂啖以丹砂粒炯炯發靈光

賦得雪

辛未

農家爭宜麥心忙三白遲一朝朔風發樹聲何凄其千
山同雲合天地如蔽虧連夜雪盈尺嚴陰裂膚肌飛鳥

明徵先生文集卷之十八
六
攫窓櫺隣婦空釜炊錦帳醉不覺凝寒衣薄知日光澹
殘凍宿霧紛雜披出門皆泥塗奔走夫何爲無人肯高
卧反請袁安癡

弔仲子三墓

癸酉

生入熊虎夢雲霧繞庭屋結纓戚城東炯炯洞雙目誰
爲三高隴環峙古蒲曲得非後之人壘土哭英躅豈以
才治賦片言可折獄抑以孝負米仕楚悲風木或以勇
于義掩袂弗畏縮雕馬何紆迴鮒鱖多挺蠹河山結靈
異蘇門亂高築頭顱存勁骨遺魂生森肅衣冠沒黃土
血食有筮祝豐碑隆宿草林日亂遺馥三善在人心過

者紛瞻矚古人思遺澤峴碑見猶哭

七言古

淄川弔古

六首 充李作

秋風攬轡昌城道破齊碑斷將軍老獨有康成曬書臺
落落還餘書帶草季子荒涼無說處公孫布被聊云保
猶憐尊貴孟嘗君三千客散收場早畫粥書廬白雲多
卓錫仙峯紅塵掃偶因神化却萊夷食其惹得行人懊
往事閑中自古今秋風攬轡昌城道

濟河道中

人道昔日耿將軍曾取祝阿渡濟水

耿弇取祝阿曾渡此故至今有耿濟

之將軍一去不復還濟水東流流不已我今渡此空傷
 稱不釣雙魚不泛槎河陽問灌許多花有花有花盡剝
 蝕非是年來種不得根荻蕭索空枝葉兒女剪殘山鹿
 陪何人霖雨收春色何人負劍鋤荆棘何人飛霜驅蝮
 騰嗟我望海日曛曛岱宗南峙雲蒙茸長嶺縣東南願
 跨桓玄驄古泉城南有古井願滴將軍驥有槐有槐泮宮有古槐劉
 鏡有願歸鴻更有山鳥啼清風依稀高唐縣駒處於高唐而齊右善
 詩歌即一曲中不是曲聲是罵聲罵賊爭傳烈士名穆廟
 此也此地即晏子采邑意得當年和同
 辨和同之辨問如何據亦同耳焉得和

夏日旱用蘇長公韵禱海市

乙卯夏余有事登州欲觀海市父老曰是歲旱久

不市余悵然以恐不得見為恨已禱海神以詩會

二客邀余集蓬萊閣甫就坐報海市見焉余乃得

縱觀之一客詫奇一客曰聞諸父老曰雨兆也然

則有雨乎越數日乃雨始知父老所傳不誣復為

詩以紀其勝

大東小東杼袖空極目海天悲咽中我聞蛟蜃吐靈氣

出沒東方金玉宮六丁神力鞭鼈背三島真人叱鬼工

坡仙歲寒曾禱見神其為我鞭虬龍鮫室噴含王母樹

天工巧過鹿皮翁不爲奇觀足遊興敢以騷思鬪英雄
相傳亦知成幻影嗟我蒿心瀕海窮頻年災傷今歲旱
恨不霹靂搥祝融列缺願鞭咸池日豐隆願撞豐山鐘
願得市見三朝雨醉拍闌干歌歲豐啖民願有袖中棗
壽國何須露掌銅神之聽之吾所願十日一雨五日風

再咏海市

君不見夫海市乎非煙非霧非畫圖或曰下有蛟龍窟
珠宮貝闕煥海隅或曰東有神仙島縣圃金臺映天衢
或曰蒼嶼霞閃爍或曰靈蜃氣縈紆觀之應接果不暇
來何所出去何徂倏而樓閣列仙闕倏而城垣繚帝都

倏而名園雜花鳥倏而長浪拍舳艫倏而亭榭環琪樹
倏而溪岸點沙鳧倏而奔騰來軍馬倏而紛郁濺金珠
恰如仙宮雲繚繞或如山樹路崎嶇正如乍入五都市
目眩神搖看模糊又如盧生遊仙夢千態萬狀換須臾
然則畢竟是何物胡爲倏忽乍有無嗟乎造化豈可測
三神山島未必殊秦皇漢武空悵望藥大徐市總糊塗
鯤鵬幻化皆如此漢使仙槎應亦徒少焉市隱海空潮
惟有白雲與山俱乃知造化愚人耳海宮仙島亦安鋪
世情變幻終有盡達觀何須問榮枯君門如市皆海市
試與達人共胡盧

陶元晦太守憂旱以詩示答韵

太守虎符分海東每日攢眉憂怔忡我心孔棘民何辜
忍見飢饉剝田翁吁嗟天不恤予遺若已推而內溝中
憶昔我來歌雲漢未幾陽侯搏豐隆我民流離轉輾死
滿擬來年麩麥豐豈天降割猶未極嗟川欲涸山欲童
春無膏雨夏如火火雲赤日焰祝融有雲有雲雷不雨
敢以人意測天工天豈有意虐我子斥鹵不毛水竭涿
抑豈渺不聞民瘼高高在上扃螭宮不然長吏干天怒
何以罰及扶杖癯太守沾襟我亦泣天意豈應終夢夢
辟如聖主厭群囂叩闕忠諫淚空紅邇來宸聽多轉圜
乃知天高聽不聾自然赤誠回天意雷雨行看蘇蓼蟲
先憂而憂後樂樂王臣蹇蹇信匪躬

黃山道

朝發蓬萊閣夜走黃山道黃山道上山崎嶇火日西落
雲潦倒輿人勸我莫脂轄滿天稠雲刷天皂嗟我欲留
留不得王事靡盬不遑息石路稜稜沙漫漫無村無火
夜半黑輿人路迷復力疲茫茫東西渾不識報道誰刷
一天墨前頭洶湧安可測亟鞭驕馬回小村倏忽昏黑
天倒翻如烟如霧又如雲如沉如漲又如焚忽如真人
下昆陽千壓萬蹴不可當又如牧野倒戈奔磅礴芻芻

白日昏又如長鯨怒吞舟又如共工觸不周與人驚不
知所爲當面不見盡瘡癡高呼與人無驚惑狂風多是
雨消息霹靂一聲東北來雷公推車列缺催神鞭鬼馭
蛟龍吼海倒山翻落星斗萬軍鐵騎奔長空千條金蛇
掣洪濛鼉鬚插潰天噴酒馬鬣驚嘶海奔衝多是龍王
赫震怒兩手摔碎鮫綃宮與人驚怖莫可逃或僵或伏
道旁叢將我跟蹉摩山村星星幾家夜敲門田叟開門
掃茅屋茅屋斗大風轟轟牛槽支牀麥楷鋪與人無飯
馬無芻田叟驚惶狂奔趨不知我嘉民其蘇民蘇我奚
嗟我痛明日好唱豐年歌且酤村釀醉顏酡

登銅雀臺

戊辰

戊辰冬鄴下遇姚孟長遂同登銅雀日旣夕矣憶
所謂南城北城金鳳水井皆不可復識惟見孤臺
荒廟漳水湯湯而已覓一村炊作飧不可得殘燈
杯酒相對岑寂渡漳橋斷立馬趨續葦作梁旣渡
漳燈火黯然夜行二十餘里夫從古登此臺者所
感不同如此况味則殊少豈濃淡之致固亦有數
耶明日讀鄴城舊記窮麗奢靡心復厭之反覺吾
儕黯淡添銅雀一段佳話耳

銅雀臺上雲蒼茫銅雀臺下水湯湯水流湯湯崩岸摧

南城北城兩荒涼耕人犁破舊宮闕金鳳水井烟草黃
草黃烟黯不忍見山老樹髡西風狂野婦牧牛琨華殿
兒童踏歌楸梓坊鸚鵡樓頭一片瓦行人拾得珍如璋
殘瓦敗瓦尚若此春深歌舞亦可傷傷心別有憑弔意
誰爲建安感興亡可憐多少遊人都埋沒惟見破廟枯
藤絡斷石

憶昔建安才黃土文章埋蒿萊憶昔建安宮高低荒原
燒劫灰劫灰燒殘漳水流宛然如見杜若洲銀楹玉壁
瑋瑋殿珠簾漆瓦鴛鴦樓玄武苑旁靈芝池赤橋仙都
水殿頭石虎高緯窮奢華連壁流霞恣無休誰憐西陵

紫陌殘歌舞盡被朔風吹作荒原土荒土孤臺重搔首
冷落村燈一杯酒村燈護風苔碑裂村炊不烟寒徹骨
反覺當年奢華黯無色斷橋渡漳村燈昏潦倒輿夫迷
前村村燈忽斷冥茫入荒林遙聞何村犬吠菰蘆深

滁道風雨

壬申

朝走鰻鰲渡暮走菱溪路朝暮陰晴風雨間轉瞬變幻
何多故出門紅日升晴空倏報烟雨紛如注大山小山
濕雲黑平地水或高于樹稻塍泥淖石磴沒屢迷斷橋
不知處更苦颶風拔地起斷樹飛石途人仆一夜深山
盡飛雪蛟龍爭窟吼猶怒擁火披裘裂骨寒單衣驛子

得無怖飛鳶墮地烏失巢村村烟熄午閉戶春和晴媚
桃李花短牆低亞如泣訴惟有定山老松柏只憑貞骨
傲不懼明朝依然紅日晴五色雲霞相夾護不知猛風
暴雨忽如此誰竟衝寒定脚站得住

歌行

收麥行

丁巳

余至登萊觀收麥者問其疾苦爲之掩泣聊賦一
篇以告當事

午日當天盡收麥農夫流汗如火熱攬轡觀時來牽轍
問之未語先悲咽我家山凹住窟穴年年災傷膏脂竭

旱蝗未了商羊齧猾胥敲門債主軼去年飢荒更慘冽
家事賣盡衣食缺兒啼無親女啼啜高堂顏枯妻喉噎
草根掘盡樹皮刷村落無烟犬聲絕生者流離殮風雪
死者枕籍飽蠓蟻幸有俠圖宸聰徹幸有汲倉澤澳溲
辟如草盡根芽茁來年幾畝插鹵堙傷心婦子共收截
汗滴皮捲不知熱萬苦千辛數斗擷兒女懽迎高堂悅
可憐不曾煮成殮門外催逋如虎啞噤悸開門門未閉
又有豪奴猛且劣喝道去年稱貸負未結凌轢那容細
分說無可奈何兩分批粒粒都是心頭血嗟乎粒粒都
是心頭血一家環哭泣成屑一年苦楚空蹉跌雖是粗

完此兩節飢寒豈不更關切嗟乎新租又安設稍熟且
然况荒折父乎母乎不提挈只恐終是溝壑別嗟乎只
恐終是溝壑別言之至此欲隕滅不知所云淚盈頰我
乃以筆代其舌嗟乎嗟乎我乃以筆代其舌

望豐山行

壬申

過滁遇陰雨回值春晴罔寺諸公招以醉翁亭之
遊以有事太倉不果赴作此寄之用柏梁體

去時渡滁山潑墨歸望豐山片雲白雲白山青峰巒出
千峰萬峰弄晴色西南諸峰孤秀絕其中亭榭紛羅列
傍岩映樹幻明滅醉翁豐樂尤奇嘯泉聲滾滾飛如雪

栢潭深碧不可測中有老龍睡蛟窟何時一見風雷發
觸岱爲雨徧原隰我性耽此如痼疾况存勝跡函秘笈
欲往從之探其極或登絕巔捧紅日普照寒陰與幽穴
其如怪石紛相隔上馬徘徊交背失我心終愛不忍歇
馬上回首頻欲躡何時登高一放筆此山精神爲發越
醉時晞髮醒捫蝨豈得身不生羽翼振衣雲上衝風立

五言律

登泰山絕頂

俱李充作

曾道小天下果然天外身孤峰平海日遠眺入周秦觸
石生雲處登高辨馬人披襟有仙意回首復風塵

曉登泰山山下雲如雪如練如浪如錦變幻神奇
令人應接不暇因飄然視者久之蓋泰山第一奇
觀也

岱色晴霄漢斜連滿地雲渡溪橫玉帶籠樹結龍紋初
謂林烟合忽驚雪浪紛白箋書鴈字細看不成文
玉女裁新練不堪縫作衣壑平千頃漲山度數峰肥望
裏驚天倒看時帶雨飛蒼生懸望久出岫莫空歸

靈巖朗公石

怪石巖頭立相傳是朗公雪屨山路裏雲衲寺烟中四
大空非色諸天叩欲通金身飛丈六曾否覺群蒙

同長清傅明府遊甘露泉

尚方飛錫處石乳細無聲佛座來甘露仙風落玉莖老
龍時漱雨寒茗不因烹亭畔流觴罷一甌塵肺清
峰頭僧樣瘦泉液露般清石孔流山髓松根湧地精此
間無世味何處着塵情坐吸疑殄月行吟欲濯纓

謁范文正公祠

小范今千古烟祠枕碧泓中朝真將相西夏舊勲名鼎
鼐尋常粥胸襟數萬兵殷勤下車話不爲晝歸榮
長白人文古於陵瞻拜初苔荒金穴寺烟結禮參車孝
思秋口畔經濟義田餘一片先憂志千秋舊草廬

長山城樓秋望
 雨樹晴如洗烟沙日似春水寒清見底峰遠翠初勻露
 濕秋衫薄風輕爽氣新浮雲多世態飄泊正愁人
 曉望晴添翠平林葉半紅杵砧村院裏樓閣水光中野
 徑人行早烟汀鴈點空翛然尋古意斜渡小橋東

中丞張葆一以詩贈別奉和

海內從頭數稜稜幾丈夫已知心莫逆誰信德應孤
 息味縈歸夢才名重帝都暮雲天際遠還念故人無

過淇水憩有斐亭次甘少保韻

有客瞻淇澳寒烟曉渡期小亭新院竹殘樹古人祠曲

岸浮橋盡斷堤歸路遲溪頭山色映馬上醉偏宜
 水遠山含翠烟籠路入霄樹經霜易老冰近日初消隔
 岸漁歌劇望雲歸興饒何人興富教民樂但陶陶

暮行汶上

望裏村烟暮野梅開未殘雪消山色瘦雲度馬蹄寒溪
 靜聲逾細鳥幽語亦闌斷橋斜轉處明月醉中看
 淺深山色裏遠近月明中樹古風聲細橋橫雪徑通暮
 雲生野寺寒草入歸鴻盡日愁城裏忘機便不同

牧羊

遙望峰青處寒隈點暮羊齧羶思漢節搃指近村觴叱

石曾教變多岐莫更亡隴頭饒興味睡起笛無腔

雪

天上來瓊片紛紛瑞木垂春風程子戶驢背灞橋詩度

柳如飛絮開花漸滿枝南村梅欲放玉馬出塵時

兖州道中觀麥苗志喜

一望南山下青青麥浪狂未堪供碩鼠猶怕舞商羊雨

過勺新綠風輕襯淺黃還看兩岐秀歌舞徧漁陽

和張五鹿杜門作

龍門此日登俠氣總稜稜夜話無時套春香任酒凝不

因貧骨硬安得熱心冰君會赤松否仙風約我乘

四月一日憩萌山小亭

停驂憩翠峨花逕醉捫蘿遊興人初倦坐憐春已過問

農知稼穡啼鳥帶絃歌博得閒山笑客忙忙爲何

行禹城

此地從荒度誰曾上具丘具丘禹登望水處火雲人苦熱征轡

麥初秋鳥帶高唐韵綿駒善歌即禹城地樹深野井愁春秋齊候

井水禹城地路炎行不得擊壤聽歌喉有擊壤亭

臨邑喜雨

石門初攬轡炎日下滄浪溽暑雲如火清風雨度墻夜

來憂久早晨起愛新涼好看晴時節麥黃農又忙

岱嶽雲飛處犁丘礎潤初暑消風陣細簷溜鳥聲疎帝
賚爲霖日馳行辨獄餘小民歡不了謠說雨隨車

登州道中

觀風問民瘼鴻鴈幾家還屋破炊烟少沙漫野草間小
村疑蜃市前路接神山安得仙人棗寬寬種一灣
同永平張別駕遊烟霞山
每作烟霞夢登臨始覺真樹陰誰載酒詩思自催人俗
韵山靈笑天空眼界新共尋方外意松老不封秦

烟霞洞

海上多仙窟烟霞洞更奇書屏青突兀老樹綠參差拂

神宮霧縠啼鶯雜鼓吹便非塵世界何用訪安期十四
檢陰嶺古洞雲淺不關扉石磴苔迷路山嵐翠點衣酒
來疑市蜃鷗伴共忘機那得麻姑遇桑滄事已非

烟霞洞亭上

削翠蹲亭子開襟足勝遊噴雲連海島擎掌翼神州碧
日晴方午薰風冷帶秋不題黃鶴字誰復解先憂

望海

誰到金銀闕我來天盡頭已無夸父杖惟見海翁鷗拍
浪攢螺髻鞭山噴蜃樓幾回雲外望浮世一扁舟

登州太守招飲蓬萊閣來山正欲踏春城天盡北

莫話金臺事登臨且自豪酒來仙玉液韶奏海天濤世
外安期棗盤中王母桃醉看多古意莫忘使君勞

晚集蓬萊閣東小亭

遙翠列烟屏晚潮看日晴酒杯征客淚山色主人情一
幅難臨畫千年不夜城我皇真聖主風靜海波平

同王將軍牛使君集蓬萊閣

出城渾見海隨意且登山極望連天碧相將盡日攀鳥
飛香案吏雲鎖玉門關樂事逢仙侶何妨夜不還

問俗憂如醉開樽笑且閒汎帆連海外吹韻落雲間屬

氣人驚市

是日海市見于牽牛小竹島

苔碑字已斑不知羊叔子何

事淚潛潛

觀兵贈王總戎

鎖鑰東門舊旌旗海嶠明六丁鞭石壘八陣動潮聲樹
擁淮陰幟山圍細柳營古來城不夜西北拱神京

海藩當半壁山兀列孤城挂劍吞吳越投醪靜癸庚洗
兵曾夜雨飲馬正朝晴空有杞人意天朝自太平

六月自登還濟道中午征有感

海國多憂旱西來亦復然午雲天噴火塵路日飛烟絆
馬高低樹愁人斷續蟬不知于役苦猶賦有饜篇

年年嗟客路日日夢槐安病豈吟詩瘦愁非涉世難國

憂仍漆室鄉思迥雲端道上多官柳長絲不繫鞍
會通河舟中

綠水來天上仙槎亦可因錦檣雲外笛華蓋鏡中人野
望青徐盡烟浮汶泗隣一帆從此去那是武陵津

一灣楊柳樹晴日晚波平鼓吹聲無了烟光畫不成纜
連河氣爽堤遠岱雲橫王事應靡盬能禁陟屺情

遊雲門

石孔遙如鏡天空近有門孤峯凌海嶽一柱植乾坤洞
老多雲鎖蘿深信手捫丹臺渾不見搔首對清尊

題陳搏洞卧像

華山陳道士誰倩此中居夢遶三山外雲橫一榻餘岱
蒙如石枕天地是蘧廬了盡千年睡何須耳畔書

石像
桃丹

君笑世醒醒長年結睡盟洞雲橫不渡蘿月夢偏清晝
夜疑呼吸乾坤幾晦明等閒蝴蝶去何處喚盧生

劈山

在雲門山東其狀如劈故曰劈山

靈劈持仙斧劈開混沌痕分成雙地柱界破一天門畫
黛丫螺髻爭雄並虎蹲望中金玉闕紅日五雲尊

花林曠

在雲門山麓

山外見人家桃源信不賒滴崖皆石髓流水半胡麻柿

葉年年錦此曠多柿秋深爛柴門日日花牧童牛背笛

晚吹帶雲霞

七夕前三夜

漫催長短更枕上不堪聽月冷天河白牕開草逕青晚涼秋入夢歸興酒初醒小院槐花落清香繞画屏

登嶧

岱宗登絕頂回首復東山秀出江天外青連海日間我來澆魄礪人勸好躋攀狂興無粘惹巖雲是處閒

孟母支機石堆來亂未收補天疑手煉穿逕喜山幽野火燒秦篆孤峯足孔遊志云孔子登東山即此枯桐薪不得莫使

夔中求

謁孟廟

嶧山連泗水吾道更誰豪五夜神來夢三遷母訓勞春秋歸嫡派仁義破群囂氣象知何似巖巖泰嶽高

春歸病起次周承明韵

從入春光媚花開未許遊感時悲左計多病欲先憂人識宵衣苦今看肉食謀青燐紅雨亂處處怨芳洲入苗向來吾亦病無計可醫頑骨瘦愁臨水囊空夢買山風來梅雨換春去柳絲攀以酒為丹藥青皇肯駐顏

望仲子開州墓

雷精千載異龍卧一丘成枕水思浮海臨臺想結纓雲
山留古道俎豆見平生白楊衰草處遠憶有深情

許山人次前韵見詒再疊志喜山俱李宛作山風

所以爲甘雨尤宜旱甚時五旬炎日炙一旦惠風吹苗
稿如非極澤濃或未知不窮情不躍無乃故遲遲
豈應憂旱什有以格山靈纔見沛然下便如醒者醒隰
雲連地黑枯野向人青更欲排闥闔民情說與聽

九月十七夕小集斗園甲子

九月已強半東籬才見花知之希者貴色以淡而佳席
格吾儕儉遊情逐日奢山頭明月上叢樹不能遮

誰能當月夕寧忍不幽探秋色寒泉湧山光曲檻含夢
而吞者九迂以徑之三野僻饒松竹平生此意貪
頗自初秋病無詩直到今青山堪入眼濁酒正譚心層
閣落青吹一羶橫素琴攬身天半立衣薄白雲侵
不了登臨意天風笑語孤鐘高知寺近酒盡急村酤月
影空絃管人踪入畫圖諸君真好事索句累奚奴

題新安解公積慶卷

有小序癸亥

壬戌六月我侯適來於是水西寇黔太君方在銅
鼓小孤之間侯捧檄無喜色今年黔圍解而太君
乃得出凱陽萬里齧指一堂促膝幾爲人世絕無

僅有之事亦甚奇哉夫十月圍一朝解而會逢其
適奇矣自黔多事未聞一輿一馬得脫虎口者而
其中出入往來萬死一生若有巧作之緣者又益
奇矣懿親子姓皆歡然無恙而又夢蘭叶應何奇
之甚也群祠之禱若或告之百姓之祝若或動之
夾道之迎若或款之此非天下之至奇者耶名流
學子播爲詩歌皆奇之也呂子曰此亦天下之至
平也有不價之思而後可以熾岡阜有積善之慶
而後可以格繁祉天下無奇事皆庸人之叱爲奇
也非獨此也十月櫻城慘睢陽之羅雀匹馬出師
神東山之賭墅皆至平無奇也何必奇哉孝子不
匱永錫爾類則侯之所以奇也

故國渾多事低徊捧檄非兩年勞客夢萬里見親幃舊
鮮空齋盡高鴻夾道飛牽衣揮淚問何日出重圍
去年當季夏中土震隣時減食愁民隱看雲見孝思夢
中神已告膝下事真奇緊此歡呼者誰非舊子遺

東望米仲詔邀集勺園看紅藥卽事
頗記十年事快遊前此曾橋橫城曲轉村抱柳溪層漸
見花迎客猶疑逕問僧相逢如舊識山類古人恒
環水結茅屋有扉常不關烟雲遙識面亭榭曲分顏幽

致窮人巧旁行詫客慳妬君真好事逐日占青山
信意開林水天機不可師清談非晉傲迷路必周諮難
拾白雲片欲餐紅藥姿如知耽此癖不得不違時
東墅休輸謝南風頗類虞放舟歌釣叟散步話田夫晚
炊非吾意新詩重客逋西山僧舍近多事問歸途

浦子口雨中閱三倉

壬申

重地連京口孤懸鐵壘城雙樓江腹起三層嶺頭生騰
飽龍韜秘肥梳鼠窟清山行應不惡冒雨省春耕

牛首山下王園

壬申

結勝爭牛首仙樓傍水居竹非專客看魚想是君餘妙

在長松野憐其邃閣虛悠然池上坐不是愛臨書

此意何能已窮探徑轉生餘香屯藥檻新火沸茶鑪鶯
語知人意魚噉見主情松窓難領畧清夢想吹笙

送黃事振入太學

己卯

堤上多垂柳青青老灞橋楊玄歸客笈魯酒滯行鑣宿
學南中服觀光上國遙不知離叔度鄙吝復誰消

感遇十二首

戊辰

甲子璫局亂政筮遇遯之蠱是夜夢

帝賜五色簪二應制賦詩覺止記末結有一心持素
節紅日照長春之句猶記夢中改紅爲丹餘都不

記戊辰冬小春出山淇水道中口占成之語多不
時聊以消旅中風雨之况

十載應沉錮清班胡遽塵拙躑流俗笑迂執宦途嗔世
道誰當問君門不可因一心持素節丹日照長春

所愧生伊維敢言涉聖津迂談人信少孤志自知真郭
泰今鈞黨朱張古逸民一心持素節丹日照長春

小草知無補輒然敢起莘負時規執友大義勉嚴親何
以酬殊遇祇惟致此身一心持素節丹日照長春

何幸身親見弓旌一日新誰非思致王而使嘆無臣泰
內惟君子師貞在丈人一心持素節丹日照長春

竊謂今天下如身半不仁自天開幹蠱無地效亨屯餉
窘諸邊冒官貪百姓貧一心持素節丹日照長春

麟鳳不空出河清會有因涉川思後甲降嶽想生申豈
謂中興主終無名世臣一心持素節丹日照長春

求治如饑渴平臺召對頻夜咨常至丙日答不為辛聖
主焦勞甚諸臣知遇新一心持素節丹日照長春

誰出為霖雨蒼生望轉親豈其甘負主而乃自圖身猶
未清腸肺得無譴鬼神一心持素節丹日照長春

放下提將起願教此意真泰來防大過夬號急同人事
事存元氣時時遠不仁一心持素節丹日照長春

明德先生文集 卷之十八

國脉先維節王禎蚤用賓盡拋旁夾雜打起整精神恥
獨為君子誰其後古人一心持素節丹日照長春

守拙效如此鐵腸寧可馴從來違世局一任笑孤臣靖
獻先無已遭逢幸此辰一心持素節丹日照長春

草草出山意憂危切小臣無才支大厦淺學愧安輪報

國惟傾藿思鄉未為尊一心持素節丹日照長春

南庾卽事十九首

庚午九月有小序

初直謂南庾不足耳不意其至此極也室如懸磬
仰屋顛汗卽欲借一前箸而肘又掣直是手不停
批目不交睫其何有濟偶一拈筆得如許句止切

達意不計工拙采風者讀之而不下淚非情也然
其中苦心處實有格格喉間而不能盡達者視古
詩十九首不知何似其於桑土朽柚萋楚諸篇腸
倍熱矣

根本今豐芭秣陵王氣偏人家依柳港江水界蘆烟兵
食孤城窘安危一綫懸已無媯煉石何計補民天

十年前此地豈遽置如斯可惜空前箸其堪實漏卮到
今惟束手相見盡攢眉都說怡堂燕將無厝火危

豈應綿力任一擔付書生自媿無心計差能冷面情憂
深周世淺恩重視官輕國難方如此寧天未欲平

烽烟曾四起蹂躪幾難支南掠方鷹颺西連復鼠闕此
中需餉急豈止震隣危帑藏空如洗誰能巧婦炊
危形今共見奇貨舊誰居仰屋連朝急量沙此月虛會
須三十萬纔貯九千餘老庫前年鎖塵封腐蠹魚
近年頻苦擾每借爲兵窮越折江糧抵黔軍楚餉空所
虧連百萬豈復念南中猶笑隣逋債翻爲索債翁
往事如談虎先憂甚喘牛連年南計苦屢屨北宸憂令
甲漕難截呼庚例始留徙薪君不信毋乃到焦頭
大廉心利國反心與貪同蹇匪躬之故坤其代有終先
宜求害馬須亦心歸鴻行袖今空盡誰云獨小東

東南民竭矣元氣蝕催科惜以填貪腹兼之耗逝波積
逋三百萬續命斗升多催檄雖風雨其如不應何
法駝南方玩軍驕外解稀陋規官會送積蠹吏分肥狡
兔仍三窟神蚨竟肆飛風霆元不測其敢徇天威
欲破叢神窟其中徑竇深飲河憑鼠滿竭澤恣漁侵到
處談常例無人信此心誰同家事做爲下頂門鍼
屯逋三十萬黠弁總頑冥比責餘無法革叅終未靈歛
錢填應卯攬納漏旗丁何術徼寬政遲催待赦停
當此如沈痼苦無醫國方隔絲難補瀉元脉繫存亡肘
露襟難捉心剗眼尚瘡不知誰一匕可以到膏肓

持籌原不慣直是古迂儒財賦東南出民艱楚越呼權
輕雙肘掣擔重一肩孤何以號將伯同心黽勉圖
筭緡如市賈數米類倉攢臂痛塵批積心嘔鉢借難戴
星方退食亭午未傳餐天子焦勞甚臣憂敢自寬
命脉關輪輓庖丁貴善刀汰浮剛兔角節費入牛毛塞
穴當堤潰遺鍼向海撈猶嗤桑孔輩民利析秋毫
天下溝中久誰甘此任虛髮膚非自愛才識愧吾疎學
問還經世綢繆慮侮予設今尼父在會計想何如
到此將三月忙無一晝閒報衙勞日課草疏痛時艱濠
上魚誰見松陰鶴自還那能公事罷豁眼問青山

海涸諸邊困泉壅九府非兵單兼盜起帑竭况民饑遠
近皆戎莽憂危在弩機聖恩猶未報忍遽說初衣

命財關輪輓冠下貴善刀法浮剛虎角節費入牛毛塞
 八當堤潰遺誠向海撈術噫桑孔帶民利初秘毫
 天下書中久誰甘此任虛空
 同遠經日細修危位予設今元父可會才想何如
 丞咨天恭憂氛丑琴巒聖恩酬未辨惡義歸厥亦
 我固清憂困泉墜八穢非其單凍益味浴詭來刃澗豷

明德先生文集目錄

卷之十九

七言律

登泰山

遊靈巖寺

王園小集

石佛閣同太守登玉皇閣

浮槎亭

七夕前一夜讌開濟堂

少陵臺秋日晚集

中秋夜雨青川驛

中秋

中秋後四日同李元治小集

九日前濳川道中

九日章丘同王明府登女郎山

重九明日走泰安

春日孫同玄刺史惠牡丹

嘉祥萌山亭次韻

郊遊卽事

觀麥浪

戲折牡丹次范質公韻

賦得夏雲多奇峰

夏日卽事

和方伯李涑玉陪尾山泉元韻

酒泉憂旱

登州陳瑞南贈詩答韻

桃蹊春霽

榴花

春遊

九日同諸詞客登杜臺

六月三日集友人斗園看荷限韻

傲學詩十首

東郊迎春卽事

遊王屋山

雨後山村

偶成

岳忠武廟

韓魏公祠

次韻畫錦堂

次韻醉白堂

又次前韻

崇禎改元冬恒山道中

陛見

館署齊省

巳巳喜雨恭紀

次韻答白華池

偶過米仲詔齋留飲

和米仲詔四奇

又和四奇

和友人扇頭韻

庚午莫春小集諸友

題大雅堂

九月三日太倉經始

太倉告成

三月二十九日同諸友登牛首

登含虛閣

春日郊晴

遊靈谷寺

梅花塢

遊雙瓦官寺

過大江遇風用數小舟羣纜之得渡

歸里口占

雒陽八景

清明新霽携友人登九龍臺遊三井洞

乙亥元日訂孝經恭紀

戊寅元日復訂孝經恭紀

己卯進呈孝經命所司較正詳備恭賦

己卯復職恭紀

明德先生文集卷之十九

七言律

登泰山

俱究李作

五嶽何如泰岱尊
秦壇漢峙總休論
中宵海色浮孤嶂
北斗天扉敞半闥
古有明堂瞻舜日
遠從匹練望吳門
君王不必頻東顧
一柱撐持有帝孫

當年氣象何如孟
此日登臨爲仰韓
玉女池翻銀漢倒
碧霞宮鎖白雲寒
鬼神靈府三千里
烟霧天門五十盤
惟得秦碑無箇字
全書未肯放人看

遊靈巖寺

參天玉笋兩三峰山寺人來動晚鐘雲度法泉飛白鶴
松蟠古洞嘯青龍僧房半鎖寒巖月埽影斜縣錫杖蹤
鐵鑄袈裟穿不得始知無色是真宗

王園小集

花氣扶疎抹樹烟樹陰携酒簇花邊柳絲低拂闌干月
池影空翻菡萏天華閣有筵開玳瑁世間無醉不神仙
梁園謾數當年樂絕勝東平自古傳

石佛開同太守登玉皇閣用馬孟河韻

水光樓閣綠楊叢遠眺分明圖畫中斷石猶傳彌勒佛
登高已近蕊珠宮浴鳧平點湖邊影細草晴添醉裏踪

晚寺鐘聲漁火亂不禁鄉思賦秋風

浮槎亭

斗渚仙源賒不賒不知誰泊漢臣槎一梭雲錦浮波月
兩部鈞天隔水蛙無數點衣來柳絮有情吹雨落桃花
何緣織女牕前問杼袖空時但幾家

七夕前一夜讌開濟堂太守有詩答韻

一路清風水面槐欣從杖屨夜登臺杯橫岱色浮雲盡
酒對漁燈載月迴人醉倚闌開口笑花香滿砌傍筵開
綢繆好待銀河渡何必明宵約又來

少陵臺秋日晚集

萬家燈火舊城頭一望蒼茫眼盡收老杜風流剛半碣
王孫歌管正南樓靈光野草漫山色泗水烟波入酒籌
明日幾回東郡裏滿林紅樹不禁秋

中秋夜雨次青川驛

等閑佳節雨漫漫辜負今宵帶酒看何處管絃吹得出
許多詩酒興都闌一枝丹桂誰將去重鎖瓊樓人自寒
好把西風平捲盡高懸寶鏡出雲端

中秋

紅塵底事且休論何處浮槎可問津杯影梧桐高午夜
花陰碁杵近東隣蕭蕭院落明如晝淡淡星辰看未勻

曾憶舊年逢此夕梁園對酒兩三人
何處砧聲敲未殘醉中明月倚闌干一年圓只今宵好
千里人同此夜看影入湘簾花氣爽光浮仙掌露華寒
霓裳恰好婆娑舞只恐雲霄覓路難

中秋後四日同李元治小集

薄薄疎雲細細烟蟾蜍賸得幾分圓祇今秋色明還好
自是人心看却偏只恐清光從此瘦再逢良夜又經年
虎溪携手歸仍醉狂興難禁醉裏憐

九日前淄川道中

每日秋山看落暉路賒頻問近還非數行書寄惟征鴈

幾處砧敲已授衣。寒樹那堪隨雨瘦。故鄉曾向說鱸肥。
持杯元有黃花約。欲便歸來尚未歸。

九日章丘同王明府登女郎山

每逢佳節便尋芳。絕勝登高話女郎。陶令偶憐籬下興。
孟嘉曾笑醉時狂。不題糕字無詩趣。因倚黃花覺酒香。
客爲悲秋腸欲斷。故人天外又重陽。

何處還餘戲馬臺。鶴林花下醉新醅。懶看烟樹愁中老。
愛數霜枝病後開。插菊不妨烏帽落。泛萸仍喜白衣來。
登樓漫作傷秋賦。且盡龍山此日杯。

重九明日走泰安

昨宵携酒正披襟。賸得囊萸尚到今。秋意未曾分近遠。
人心爲甚懶登臨。此時都已收樽去。何處還將落帽尋。
籬菊不知重九盡。猶堪沉醉滿頭簪。

春日孫同玄刺史惠牡丹

自從傾國暈紅光。寄與騷人共酒狂。眠起玉妃仍半醉。
夜闌西子試新妝。捲簾風軟天香細。含笑脂勻蝶陣忙。
春色不知誰度去。細將消息問花王。

嘉祥萌山亭次韻

卽子游宰武城邑

青青玉笋浸雲開。幾度停車今又來。一壁新詩苔藓字。
三盃濁酒醉登臺。種花猶帶絃歌韻。製錦還憐禮樂才。

明倫先生文集卷之十九
四
眼底人行村徑滿我心懷古獨徘徊

郊遊卽事

淺淺晴烟薄薄衣東風醉數百花稀曾經細雨收紅陣
遙見清暉帶翠微一抹餘香杯底度滿空狂絮眼前飛
時人不信春光盡道是尋春未肯歸

觀麥浪

今歲漁陽秀更稠來麩滿目不勝秋黃雲滿隴疑天倒
雪浪翻空盡日流深處正宜藏野雉漲時曾見落沙鷗
任他平地風濤險野外農夫總不憂
極目崆峒望隴頭渾如萬頃豁雙眸雲連海色青仍褪

浪捲桃花碧未收蠶婦採桑疑洗練耕夫荷耒若垂鈎
元來到底皆平地那許漁郎夜泛舟

戲折牡丹次范質公韻

春風妬盡幾叢花獨倚闌干着絳紗粧樣自憐惟號國
艷姿誰更數姚家花因失侶愁垂露色本無雙淡抹霞
儘看沉香亭富貴留將一點耐繁華

賦得夏雲多奇峰

何處削來山數層一時高下總無憑薰風吹落疑仙島
冷眼看來似世情疊嶂排空誰畫出晚暉飛瀑自天成
任從奇幻應無用霖雨還須潤衆生

夏日卽事

年來海丈已忘機，每日南牕睡掩扉。
匹馬鶴琴隨趙抃，爰書真草笑韓非。
半簾疎影籠花砌，午樹清風捲葛衣。
休恠子規啼不歇，細聽多是喚人歸。

和方伯李涑玉陪尾山泉元韻

高高秦嶽尾蒙茸，古寺清泉幾度鐘。
細滲蓬壺分石乳，平翻銀漢下天風。
應從海若尋來脉，不爲仙槎問去蹤。
千古浪猜川上意，都輸孟氏得其宗。

泗泉憂旱

爾來流派日紛紜，獨此源頭尚未分。
石罅聲清寒泚茗

老龍涎噴亂生雲，窟中珠濺鮫人淚。
水面風描繡女紋，坐倚冰壺涼不覺。
蒼生渴望正如焚。

登州陳瑞南贈詩答韻

東來極目海天餘，豈不懷歸畏簡書。
橋上已無千歲棗，門前忽駐五雲車。
潁川家世風誰似，華嶽先生睡自如。
莫道蓬壺真物外，烟霞深處是仙墟。

桃蹊春霽

有小序

泗水之濱有堤蜿蜒十餘里，堤傍近水不宜麥菽。
土人種桃花萬樹，每春時爛若朝霞，光艷奪目。
士女踏歌之聲徹于城郭，余爲魯司李四歲矣，日夕

課荒政無復遊憩嘗作詩曰萬樹桃花笑客忙乘
人忙處放春光深紅淺碧非無意天許吾曹向此
狂客歲薄有秋間稍稍問酒榼今春雪瑞麥岐頗
兆大有二三同寅執友于是始斗酒相問勞一日
諸王孫以詩柬余曰城南有如此之勝而不一遊
覽得無令洞口桃花笑人乎其詩有莫教負約怨
紅粧之句嘗余將戒僕馬而清明前後數日多風
雨答以旣望則違不爾必候雨霽償此逋約復答
詩曰無數春堆泗水傍撩人衙舍過輕香未應風
雨偏相妬合是花神欲洗粧是日果霽遂命小隊

出城雨時不戒而至者數人相與折花爲籌臨水
流觴而不知興之所之也因口占曰誰能幾度醉
花傍樹底溪頭興未央汗漫天台應可到擬將消
息問劉郎坐客皆和各極其趣遂署其軒爲第一
景云憶余初至魯之日卽有以此爲余約者近在
城隅想勞夢寐而不克償乃今始償之人與物之
相值亦各以時哉是日之前雨後又雨獨此日霽
噫夫然後知此遊乃天作之合也乃漫作桃蹊春
霽詩四首卽用四韻以寄一時之興且曰世稱桃
花無如武陵玄都然或百畝或五六里未有如此

之盛者也而此獨不得以名勝聞百姓習焉而不知遊人相忘于此中而不能章其美若此君者其亦所謂大隱朝市乎柳柳州曰美不自美待人而章願與諸君子共表而出之何如

城南紅遍總歸桃造景寧無春太勞客問花神容此日天將勝地畀吾曹枝枝半與晴光映色色俱經宿雨淘聞說玄都但千樹劉郎終欠十分豪

誰揉一片晨霞碎粧點溪頭十里堤客每過村賒白墮奴常隔樹拾青梨初晴乍入前無路竟日斜穿下有蹊好景可憐埋沒久花嬌應似乞人題

數載忙忙負約頻能消清福是閒人古來此地宜呼阮近日何村更避秦倘佯蕊含連夜雨須憐花過二分春多情未必開無主不信君其問水濱

桃紅宜雨復宜霽濕暈晴暉交點綴遶樹歌渾倦靚妝催花鼓亂煩青帝小閒聊與客尋盟大隱豈妨官破例半醉不知香惹衣傷人痴蝶逐歸袂

榴花

安石國來碎錦團玉人憐取上闌干霞光暈得春如畫雨淚烘時痕未乾笑著胭脂紅染盡恐教炎日暗燒殘枝頭若是真燃火一片芳心煉作丹

春遊

莫春七日同友人修禊泗上時雨方霽原野初青
樂不獨在杯酒卽目信口得十六首

東郊春意欲催詩略倣前人上巳時地傍舞雩仍點也
酒傳曲水又羲之雲縫誰手針針巧花寫何工筆筆奇
若得錦囊收拾盡却教青觀馬蹄遲

日景林光掩映看斷橋橫鎖釣魚灘逢人八九驕雲夢
下馬尋常訂越壇倚席雀如曾宿醉過墻蝶尚怯春寒
眼前儘可供題味搜索枯吟無那難

別業橫連小岸低春深全似浣花溪雲飛近自鳧山北
桃落遙隨馬頰西不必吳歌纔入耳無妨魯酒亦平臍
從來景致皆無定直倩文人一筆題

十載荒涼老樹存雙雙燕子識孤村墻頽卽見桃花峪
亭小堪題柿葉軒每引溪邊鷗入坐時憐日影塔當門
從今不數蘭亭襖別箇春風泗上園

隔岸藤烟未可捫一灣楊柳亂孤村歌無板眼鳥鳥在
苔老梁頭燕燕存猶見遨牀喧士女可令芳草怨王孫
不知何處將春鎖院院梨花半掩門

隱隱前村似若耶山溪只隔一痕沙泉香恐有天台飯
地僻能無博望槎眼不改青憑柳葉口能含笑獨桃花

每憐春似王維畫買卽無錢尚可賒
曲水尋常可泛觴况今春色許人狂
溪光隱隱浮高樹山意依依過短墻
鳥不相知皆作款花難徧問只聞香
豐年景物憑誰見小院鞦韆鬧女郎
隔溪新構古祠堂中有談經老衲房
我亦願如僧意嬾誰曾不笑俗人忙
能清腸胃惟沂水常放眉尖是嶧陽
此日固然春大好藉非吾輩亦尋常
笑君公事了湖中筆似園花亂點紅
不碍申文添酒料能將亥市入詩筒
榆堪下筯何錢似柳學纖腰楚袖同
半綻海棠應睡足憑誰撩起醉春風

人生對景不流連挫眼光陰亦可憐
若許推辭今日酒誰當消受莫春天
天天臉暈花應醉栩栩竟香蝶亦仙
只許令如金谷數何消擊板問詩篇

得趣何曾此日偏隨緣破費杖頭錢
同儕萬卉從春發過客光陰許酒延
往事多如連夜夢戲場儘似大乘禪
高林鳥亦飛無定恐是初驚月上弦

一般春事儘人爲往日無如此日奇
客到醉來翻勸主話當佳處卽成詩
銀花略似傳柑節籃尾還疑賞雪時
倩折酒籌應有意暈紅先上海棠枝

鍾情只與人同耳寫景時能自得之
調鳥偏憐啼雨婦

凭欄便惱妬花姨，乃知惟酒堪醫腐。誰解聞香可樂饑，不見濟南王季木。已裁一幅早春詩。

遲日窮探耐酒頻，青藜小杖白綸巾。囊空且莫羞南阮，地迥原非避閨秦。寫意蝸能粗作字，無情鳥亦細留人。從前韻士知多少，一抹春光說未勻。

夜半風高倚蓋低，移尊月起一亭西。平常受用隨人占，大塊文章費我題。世事那禁狂士笑，春光只勾小奚携。不知衫袖香如許，蛺蝶郎當亂馬蹄。

煙城依舊竟州樓，古意纔餘子美遊。有限韶華忙處過，無窮春色醉時收。高人自昔能睜眼，勝地於今始出頭。

會見落花流水後，憑君再賃採蓮舟。

九日同諸詞客登杜臺

上同亮李作

病起逡巡問酒杯，黃花霜底爲誰開。千山夕照低銜蝶，萬井秋烟曲抱臺。此節豈容彭澤占，何時不有杜陵才。年年但到登高日，須與浮雲借月來。

六月三日集友人斗園看荷限韻

後吏部家居

與客捫藤興卽佳，兼之山意冷新懷。清雖樹隙教栽竹，僻只詩人許扣柴。水濺弱荷撩語燕，棋敲深草亂吹蛙。此中何以降驕暑，松影扶疎瀝綠苔。

石翼寒泉嵌作齋，吾將於此托吾骸。天容老樹銷長夏。

雨爲青山洗宿霾蝶若客眠真栩栩禽知人意故啾啾
橫琴夜月僧鐘晚豈有荷花對演俳

傲學詩十首

有小序

傲學自傲也猛試思之吾獨非人也乎哉而與草
木同朽腐也是惟弗學也苟其學也是惡得弗傲
也夢回開眼信手拈出作如是觀及諦視之又無
一可拈者到會心時須知作如是觀者無有是處
捫心中夜猛然思可惜虛拋過了時依舊將來都是誤
從今做起不爲遲回頭試看須開眼出口難憑要貼皮
任數古來神與聖誰曾多却些毫兒

千年真脉在於心頗悔從前向外尋破的恥爲催矢弩
迷途知是定盤針登時決水旋成浪逐日淘沙定有金
所以勸君先立志須教勇猛與深沉

學者須然要講明何爲旣講不躬行將無舌底仍其套
抑或胸中着以名可笑教人真看破休嗔說汝假粧成
中庸至理無多字只與君拈一箇誠

敢謂詩書是贅疣其中喫緊悟方休醫心定以勤爲藥
釣理還於問作鈎當地掘開三窟兔從空呼醒六腮猴
如君得却真頭腦萬語千言一筆勾

若果真知德不孤從何下手作工夫心無惻隱非人也

學有朋來亦樂乎性以誠明爲血脈仁將孝弟是頭顱
偏於此處多虧欠却向枝枝節節圖

乞子衣珠未是貧多時徒自熱他人如知照舊非家當
便合從今問己身任舉盆魚皆見道隨拈桃種盡舍仁
除將動止饗餐外任汝旁尋總不真

開眼應須見泰山登之還自費躋攀義文意在圖書外
舜蹠分於善利間下手要尋明德脉從頭先破自欺關
英雄底事多埋沒祇謂其心不肯閒

夜氣應能見未孩吾身何以並三才誰言此日無乎爾
天喪斯文久矣哉這點熱腸從古開多年夢眼自今開

慇懃我欲逢人說到底令人說不來

卽無爲聖與爲神也要人間做箇人孔子生知猶發憤
吾曹困學却因循仁爲己任元應易文至躬行乃愈真
是處桃花都夾岸漁郎偏問武陵津

學者無非認半邊誰能當下見其全深山木石元皆我
入眼星河未是天靜裏可曾看未發知時應許得無傳
何須更向虛空說劈破渾淪畫箇圈

東郊迎春卽事

癸亥端月五日

不信東皇點綴難填街旗鼓開春繁豐年稍換笙歌局
井里都容士女看始見遊人喧卯酒無妨山叟薦辛盤

數朝花信風狂甚恰得清溫猶自寒
扮演多方羯鼓過場中都不禁人譁靚粧隔壁攀村樹
寶馬當風擁岸沙此際着誰開眼孔其中何景關心花
年年覺得春如許都是平分百姓家
陽和如不到窮簷何以郊原氣色添野圃已青人日菜
公筵先試上元柑天心亦自憑梅寫日脚多應叶歲占
要見眼前春意思橫橋叢竹颺村帘
刺眼春光取次探排鋪毋乃化工貪從頭麗日剛逢五
屈指陽灰已到三細綠漸從水隙吐輕黃纔向柳稍含
熟看畢竟無拈處歸去憑君仔細參

遊王屋山

甲子春

帝爲愚公信手移驚人天半一峰奇
旁分絕巘皆環拱上入空霄欲蔽虧
雨罷可知山有意春殘寧許客無詩
丹臺倘臥騎龍氏試拄青筇一問之

遠指捫蘿近轉窮踟躕石一痕通纔貪仰面驚隣險
每想回頭欲御風脚底日穿王母洞胸前雲落玉真宮
相傳小有真靈絕不與人開歲月同
聳矗孤狎灑氣蒸神奇難測化工能晴空翠落三秋雨
古井陰頑六月冰洞裏遙遙通帝座雲中隱隱見仙燈
窮崖絕磴多靈藥可有幽人見未曾

明倫彙編 家範典 卷之十九
周圍亂點玉芙蓉拔出中間第一峰路已到頭猶百轉
山纔開眼便千重寧無道士能騎鶴可有真人會匣龍
搔首青天飛不得松風蘿月水淙淙
削筍斜橫插斗匡凌風隨意禮虛皇銀河倒滲開靈濟
玉闕遙連壓太行二室細飛雙黛綠長河輕抹一絲黃
雲中羽士吹笙者一似鈞天落下方
浩瀚天風不可留歸人一步一回頭腰間拔劍驚山鬼
石上題詩笑羽流冷地勝游從此賃仙家閒課許人偷
袖携王母祠前果盤谷從容訪李侯

雨後山村

細雨初晴剩曉寒藤蘿空翠濕衣單迎人萬壑千峯轉
滿地輕紅嫩綠攢一勺寒泉連月煮數莖青菜帶雲餐
何如野老深山住都作家常茶飯看

偶成二首

架上塵書頗厭拈隨時隨意掣牙籤花陰午尚科頭坐
筆底今仍信口占惟恐下簾妨燕乳常令開牖看魚噏
方牀竹簟憑高枕掠取風光了不嫌

睡起庭除一事無烹茶火候累奚奴多時竹徑堪羅雀
近日塵罌半網蛛我亦逢人商雨旱誰曾傷水種菡蘆
責之經世渾無用祇是清朝一腐儒

岳忠武廟 後戊辰巳巳作

忠寬千古泪沾襟公死神州竟陸沉地府定犁張俊舌
何人識破宋高心豈辭丹血孤臣灑未搗黃龍隱痛深
祠外蕭蕭風雨夜靈旗黯淡滿空林

莫須何以服天下今古權奸事總奇羣小善迎當局意
片心難寫後賢碑出師遺恨漢諸葛恢復孤忠唐子儀
怕死愛錢成世界幾時方是太平時

韓魏公祠 次姚孟長韻

遺芳猶仰舊風流諸葛鞠躬方叔猷自許同心堅富范
誰須傳勝藉蘇歐 公畫錦醉白堂
子瞻未叔作記 已從亳社扶雙鼎還

臥磻溪老一鈞說道遐方曾畫像吾儕瞻拜可空遊

將相浮榮亦偶然丹心壽國廿餘年緊封函谷泥雙手

硬夾虞淵日一肩康樂原無詩蹟在豐安村有御碑懸

神宗御製
公定策碑許誰早發明王夢深副當今欲治天

次韻畫錦堂

酒高置會解朝珂曲水紅芳任笑歌 堂後有紅芳
曲水二亭 展齒

尚存警報少袞衣無恙主恩多會心晝接歸魚鳥退食

春深在澗阿富貴故鄉非所志披襟中夜起摩娑

次韻醉白堂

領節予休賜璽書飛仙亭上醉紅蕖春歸曾點仍鏗爾

人殆羲皇之上歟遺樹猶巢丁令鶴舊池還戲漆園魚
至于把酒先憂意未審香山曾否如

又次前韻

武康再上乞骸書私第新栽對小渠名在外方吾老矣
堂題醉白獨何歟杯中欲起香山社池上同觀濠濮魚
深意坡翁猶未識商無較有論誰如

坡作堂記內有公有白無白有公無

崇禎改元冬恒山道中大霧四日滿林凝白如玉

樹喜日出霧散車中作

連朝大霧接青天五步之間日眩然浸濕征衫元未雨

紛飛村屋不成烟迷離津渡歸人晚粧點林枝綴玉鮮
憑說公超多幻術能禁紅日一輪懸

陛見

屈指江湖已十年一朝再見九重天龍飛景運歸真主
鵠立清班後衆賢誰切禹臯憂不得我非堯舜敢陳前
小臣無計酬知遇王道平平有所先

館署齊省

待漏羅衣怯曉寒建章朝罷出東安報衙潦倒重封篆
退食從容久素餐僻署青苔荒院落閒牕紅日轉闌干
比來憂旱傳修省主上焦勞仰副難

明德先生文集 卷之十九
叨點清班愧負時赤心無補自知之同寅僚友頻高臥
晝卯諸生窘問奇拙幸可藏公事少戇仍不改宦情痴
只今寤寐求霖雨黽勉風雲有所思

已巳京師自昨年十月不雨至閏四月十二日乃
雨越一日

皇子命名恭紀

八箇月來猶未雨甘霖誰意一朝逢乍驚霹靂驅驕魃
恰喜氤氳起臥龍久矣將無勞乙夜遲之恐遂失三農
自知齊禱虔昭格水濺朝衣聖澤濃

明日前星帝錫名已教重潤慰蒼生一人猶切爲霖思

萬國誰非望歲情鳥避不喧雙闕靜花開如洗上林清
飛龍况復將龍種何以雲從答聖明

次韻答白華池寄懷

十載崧陰臥石淙岫雲閒出愧從龍黍荒欲廣茅茹拔
晉晝誰專袞闕縫渭水終當容我釣香山寧許滯君蹤
別來風韻知何似恍記垂楊道下逢

偶過米仲詔齋留飲觀古雲石登漪臺分絳桃一

枝卽訂紅葉之約仲詔疊韻

幾從忙處得閒身杯酒相逢具主賓十載風波仍此石
多時花月屬何人竹陰恰合披襟晚桃蕊輕分信手春

爲說待晴紅葉雨園丁休厭過來頻

和米仲詔四奇

四奇詩人以壽米仲詔者倡和甚夥各極才人之
致其體諛諛余不能也其致工工余不能也客冬
周承明持一帙屬余和且致仲詔意甚殷今春事
闌矣偶放舟梁家淺夢章共舟各立賦卽事數首
已夢章出四奇詩強余和無已完此一段夙願然
未見其所以奇者何似得無因盤而之鐘因燭而
之籥乎抑仲詔奇人也超逸之韻不可一世則其
所謂奇意暗中摸索亦可得耶仲詔奇余無奇而

好探奇亦余之奇也他日過清淵當拉夢章同索
米家石丈置几上急呼童然燈拚盡歡痛飲至醉
入長安當再醉勺園庶足當平生探奇一快爾時
可累爾潑墨汁數升當更爲仲詔作四奇傳

爲園亦有米顛風想在城隅烟水中閣向西山收拾紫
花從內苑借將紅人嘗走馬邀門客自說調鷗署海翁
任許題詩窮此趣難窮吾亦不能窮

米家園

數幅生綃裏夜光卽移園景以稱觴湖山巧逐孤燈出
洞壑時憑一筆藏似蜃吐樓非海市無魚跳水亦濠梁
後來不必燈膏看合有星精照此堂

米家燈

峯巒深處不留仙何得雲烟幻一拳似有小溪盤到洞
直將高瀑瀉于川看疑外賸無多世拜恐中藏許大天
所以古來稱不朽非奇非瘦亦非堅

米家石

閉門不惹九衢塵但向蕭齋問主人行處須教詩在把
愁來莫厭酒沾唇幽谿尋藥輸麋友隔嶺傳書勝雁臣
除却爐香同茗椀居然無事一閒身

米家童

再疊前韻

山間之月水之風造物容人閒此中盡趣嘗聞游到黑
懸燈遙見酒先紅半將畫舫分詩友唯儻烟湖與釣翁
却憶長安忙且鬧其間清致許誰窮

若知園景是燈光合笑丹青善侑觴焰閃水樓浮日動
燒燧山境逐烟藏何時巧撮春來座此夕疑無月到梁
不是仙人終不解爲君照鸞題堂額見仲詔自註作葆光堂

昔日曾聞海外仙掬將一島化爲拳峯峯突兀如青嶽
面面玲瓏勝錦川却得米顛呼作丈或容回老別尋天
年來我亦能心隱何況山靈受客堅

紫陌青樓盡俗塵追隨穎士七奇人灌花驚鳥鳴山响
磨墨歛冰破澗唇老石蹲堦疑作侶小蜂釀露學蠶
也知畜幸恩當厚同此生成父母身

和友人扇頭韻

明德先生文集 卷之十九
此日遭時豈不辰可知誰志納溝真行藏久惑姬公夢
風月今分邵子春未了意存中夜酒難甘人負百年身
天教聖主爲堯舜定許夔龍在國鈞

庚午莫春小集

偶檢晴牕新曆看始知春去欲留難歸心久滯桃花岸
別思還縈柳浪灘興嬾長教書滿榻知希今喜客憑欄
芳陰閒裏銷容易簡點從前總素餐
化工何處放春歸九十烟光明日非商禱經時煩黼辰
風塵連月混郊畿誰堪半歲詩囊澁人說長安酒政稀
纔質俸錢賒客醉薰風早已上羅衣

紫燕紅鶻不忍聞惱人春色欲平分此中消息誰當問
似客光陰我亦云滿眼征塵高北斗一杯濁酒問東君
可憐無着天親處回首漫漫盡白雲

閒官何日不陽陽銷夏從今午夢長橋外雙帘懸酒聖
風前一酌餞花王素肝此後仍冰冷病骨逢人問藥方
頗意故園春事罷水亭石枕竹匡牀

題大雅堂

後南庚作

朱邸堂開卽兔園時來冠蓋集鴻軒懷中賸有圖書秘
海內爭傳大小言業建梁虹依舊國名高濟冠諸藩
承家况是霜蹄駿七步當年未足論

雕甍雄峙翠雲連堂構巍然淮水邊一派天潢分海岱
千秋帝里衍曾玄門迎鍾阜晴光入簾捲疎櫺藜火燃
儒服似君能好古應知大雅不虛傳

辛未秋佑修南都錦衣諸倉親閱工程手核冒破

九月三日告神經始率爾紀事

留都近歲總空困瓦礫蓬蒿不可因仰屋更憐無屋仰
貧家猶羨有家貧寧堪數米消呼癸豈受經工備苦辛
只是此心難泯滅焦思誰忍負楓宸

貧到蕭條四壁奇併連四壁亦無之土功寥廓躬荒度
估冊絲毫手剔釐節省三千餘鏹在經營二十七倉卿

假如將此充交際鼠穴厦頽誰得知

國非其國古先憂今可三年艾不求或侮下民天欲雨
曾思匹婦已推溝眼同商匠方厥底手數工程筭竹頭
勞瘁掀髯奮一笑迴環佳麗當遨遊

嘔心打筭久躊躕儉積聊堪薄補苴重地倉儲關命脉
神工興廢有乘除量沙暫歇慚謀國運甓方殷勗起予
或謂此儉多事甚寧知公事總蘧廬

太倉告成

何知大木久輪囷巨室工師未可因填海移山無寸補
澤鴻堂燕竟雙貧誰堪積債需芻午天以奇窮萃獨辛

難道厦頹支不得空勞梁棟軫中宸
孤踪苦操總無奇獨此靈源自信之軍命民膏皆易耗
城狐窟兔頗難釐三年吏隱吾甘拙半世婆心人笑癡
但使茨梁輪奐在與師成婦有良知
吐茹迴環劇杞憂雙屨巾脫與芻求心危此地曾纍那
手起斯民出納溝雖暫倉箱來眼底猶多杼軸上眉頭
如將國事同家事都許胥庭夢裏遊
諸司經始尚踟躇竟喜工竣勝補苴費僅三千皆積省
糈餘百萬可輕除天生傲骨偏違世自許癡腸頗慊予
髮鬢半絲心血盡休令雀鼠蝕吾廬

三月二十九日張華東掌憲邀同傅星垣司馬謝

青墩太宰自王生園登牛首

廿里青山古木渾雙峯忽聳插霄尊杖迷天闕僧鐘落
塔幻陰房佛骨存日過昭明池內浴雲從兜率洞中噴
心疑別有蓮花窟卽阻藤崖倏亦捫

王氏園看到復非絕巔迴望亦依稀曾談火候神丹竈
客怯雲梯冷翠微石竇苔泉通佛座天門松霧濕人衣
辨聞驕見渾多事明日重來春色歸

登含虛閣

凌虛危閣萬松森新領南薰入翠陰杏老十圍存佛性

明德先生文集 卷之十九
泉澄一碧冷人心乾坤付與雙開眼詩酒聊堪半豁襟
自說猿花僧鉢後許多藤葛到如今

春日郊晴

晴江如線柳含烟恰值風和日霽天小苑燕鶯方試語
上林桃李互爭妍倚墻老叟捫衣虱填巷兒童鬪線鳶
寄語光陰休浪擲春來風雨半連綿

遊靈谷寺

人言靈谷寺東花不減揚州何遜家樹隱鍾山殘蕙帳
香浮梁代老袈裟隔墻風裏時飛雪對酒杯中每落霞
髣髴猶聞吹笛者癡僧拍手幻琵琶

梅花塢

凌晨騎馬出朝陽十里衝風已覺香一水曲通靈谷寺
孤山斜遠孝陵岡叢叢荒竹迂遊客樹樹長松擁法王
不信等閑消受得橫牕花影落繩牀

遊雙瓦官寺

逐日看倉至午錢多尋幽勝暫傳餐三山地老唐供奉
雙寺僧爭晉瓦官亂竹臺荒遊鳳址寒楓洲冷放魚灘
蕭騷意思無人識自解囊琴對水彈

過大江遇風用數小舟群纜之得渡

浩瀚江濤不可平篙師竟與石尤爭纜牽風雨群舟力

波撼帆檣老柁撐岸上雲山隨浪轉津頭蛟蜃弄潮生
我家西嶺豔花峽醉後頽然醒濯纓

歸里口占

後歸洛

人見雒陽司馬還爭傳紫氣落函關連年水旱郊村冷
舊日親朋鬢髮斑握手共含兵火淚傷心誰念輓輸艱
幸吾茅屋猶無恙十畝蓮花澗水環
憶出深山已七年躑躅隨處拂時賢要將頽屐扶孤柱
其奈狂瀾倒百川陶徑老松猶宛爾萊階舊綵尚依然
納溝夫婦應誰恥才薄天教被放全

雒陽八景

明珠錦帳委荒蕪猶指名園屬季倫隱隱帘飄修禊酒
年年花落墜樓身入春池館生村草過雨簪鈿拾水濱
却有高人看得透吟風弄月不嫌貧

金谷春晴

殘月斜橫古渡偏長橋曾跨水清漣一泓春纜三川曉
萬頃光連兩岸烟湍挂蟾鈎魚怯鈎掉搖虹影鷺驚眠
紛紛宇宙渾多事誰復行吟嘆杜鵑

天津曉月

濤撼嵩高岸齧邨風吹烟浦入秋黃波紋細拂蘆花月
帆影寒飛柳葉霜久說龜書終恍惚嘗疑必賦總荒唐
自來居雒饒高隱欲訪伊人水一方

雒浦秋風

當年白馬歸何處此日招提寺尚存古塔說從唐代建

殘經傳自漢時尊神鯨每吼翻星漢野衲頻敲換曉昏
夢覺關頭叅破否聲聞間共老僧論

馬寺鐘聲

晉家閭闔古銅駝轉眼南街荆棘多春草隄頭雲陣暝
楊花陌上雨痕波石龜碑剝漂宮闕金馬門荒濕蔦蘿
索老當時悲底事采恩豪貴正酣歌

銅駝暮雨

劈破層巒一水來儼然雙闕向城開千龕佛像唐雕鑿
萬世神功禹削裁南捲牕簾貪遠翠東分嶽黛入遊杯
邵窩白社無人管逐日巖雲片片堆

龍門山色

曉涉平泉相府園枯藤荒草蔓頽垣北州梨棗猶秋熟
南國珍奇何處捫石臥莓苔疑醒酒亭閒魚鳥憶開樽

陵遷谷變尋常事何必遺書戒子孫

平泉朝遊

帶雒襟嵩曲枕黃高原綿亘鬱蒼茫古碑名姓埋黃土
殘隴蒿萊臥白楊每見狐狸眠破穴時聞燕雀噪斜陽
晚逢樵牧渾無賴歷數興亡枉斷腸

邙山晚眺

清明新霽攜友人登九龍臺遊三井洞及邙山之

麓

湮水曲流處相傳三井洞有三仙人化爲鶴飛去形尚宛然

輕風晴日拂春衣攜酒閒探入翠微誰見洞穿三鶴起
人疑臺控九龍飛紙錢荒棘迷高隴青草垂楊亂夕暉
極目令人憑弔處無妨隨俗踏芳菲

清瀝環湧一臺高不覺相將屐齒勞麥隴柳烟含宿雨

竹橋帘影醉晴桃西來雒水浮熊耳東鎖緱山插虎牢
勝地况逢修禊節男兒詩酒未爲豪

崇禎乙亥元日孝經本義成箋次大全作圖說恭

紀

我后崇禎之八載春王正月歲之元風微日澹寒雲薄
地義天經孝道尊祿閣老藜存聖諦留曹閒筆總君恩
圖書告備慚才淺欲問真傳不得言

自從堯舜至于今談道紛紛衆若林誰識孝爲天地性
吾因經見孔曾心神明四海其源遠兢戰三言厥旨深
却是見前平易事多人踏破鐵鞋尋

諸儒言孝在承懽曾作明王德教看泗水應遺周禮樂
期門猶想漢衣冠二千餘載真宗派五百多年廢學官
天子方思興至理獨無孤柱可迴瀾

日來連上侍親書陶徑全荒萊絲虛北斗孤懸黃玉幻
西山遙望白雲疎爭言魯壁藏蝌蚪恥撥秦灰問蠹魚
此意與人談不得橫經春在五辛餘

戊寅元日復訂孝經本義大全作序例孔曾論孝

等卷成又紀

閒臥深山石隱居辛觴應念聖恩餘時情冷煖爭迎歲
日課陰晴愛擁書半世窮經知是否千年言孝竟何如

明倫彙編 家範典 卷之十九
憑誰細問春消息 牕草盆梅爲起予
椒盤栢酒俗相沿 冬去春來亦偶然
浮世光陰如一瞬 眞傳今古竟誰肩
東風始起堯階葉 北斗長留孔壁篇
時輩不知人意思 爭謠閉戶草楊玄
孔門洙泗總斷斷 傳孝獨於曾子云
自古人皆存至性 祇今天未喪斯文
心疑見處還非我 手欲拈來說與君
畢竟通神光海訣 其中消息迥難聞
薪傳千古闡遺經 絕學諸儒見未曾
堯舜可爲惟孝弟 孔曾相授只淵冰
幸留斯道微言在 合有明王應運興
想像東周眞事業 誰當執此答升恒

己卯九月十七日進呈孝經有旨謂有裨治理命
所司較正詳備具奏恭賦

孔壁遺經久在茲 微言傳後更傳誰
漢唐課士猶虛典 今古通儒尚妄疑
闢地開天歸聖主 崇文重道恰明時
豈應千載渾埋沒 一日經綸萬國知
謂訓蒙書世盡云 誰知治理裨斯文
天顏展開臣鄰喜 御筆親書較備聞
久矣孔曾傳此道 都哉堯舜見吾君
還期早奏明王事 穩臥東山老白雲

焚香已卯八月二十四日蒙恩復職敬草謝疏兼陳
謝悃恭紀

明德先生文集 卷之十九
北來數騎拂塵飛說捧天言出帝畿填巷喧傳新寵命
焚香點簡舊朝衣窮通自古關時數童叟從前有是非
誰謂浮雲能蔽日陽光終照寸葵微
吾爲八座方疆仕帝許歸田未艾時宵旰高深誰忍負
剔梳勞怨我寧癡彈冠尚淺明王夢聽履曾深國士知
自是中興饒勝事愚丹還欲獻憂危

明德先生文集目錄

卷之二十

五言排律

憂旱

喜雨

六月六日斗園集諸友

又和前韻

和韓君顯秀才

五言絕句

偶拈自和四首

目錄卷二十一
雜感二十四首

齋中卽事

出門曲

七言絕句

遊黃華洞憩萬松亭書石

桐山公署聞張五鹿太守登岱却寄

黃梁夢

涇陽驛次李于田韻

春日諸同寅兗州城樓小集

新柳

春日范質公寄詩和韻

午睡

過雨花庵

落花十二首

桃蹊

卞里仲子祠

崑崙山有石翼然而起

蓬萊閣漫興

珠璣崖

有感

曉起

范公泉

和張抱初講學詩

睡起

再題黃梁夢

文王羨里

定興固村懷鹿乾嶽用壁間楊文弱韻

夏日間居十首

半雜

春日遊黃公濟詩

明德先生文集卷之二十

五言排律

憂旱 二首充李集

登州連歲為災復旱余按轡惻然五月下弦日

登崑崙山高峰插天雲霧繚繞余祝雨焉明日

行部文登果雨作憂旱喜雨排律各十二韻以

志異

吏隱尋山趣豪遊極海濱學仙非本意憂國屬何人艸

盡仍愁旱魚腥不療貧麥黃還刮樹煙紫正炊塵有色

渾如菜無襦半結鶉渠來飢卧轍我亦淚沾巾雲漢詩

明倫先生文集 卷之二十一
何似流民繪未真非無蠲賑詔不救鼠蚤呻民望還無
已皇仁豈有屯願懷憂杞意何以叩楓宸海柱鞭秦石
槎山問漢津銀潢如可掬蘇此一方民

喜雨

乃向山靈禱應憐海角荒願君誅旱魃爲我灑瓊漿長
吏心都碎窮鄉夜未央半年無雨澤每日報逃亡我不
勝悲咽神母亦惋愴辟如兒泣乳安得火生涼果見鞭
雲霧須臾滴露灑點衣羅袖濕滑路馬蹄忙拍手三農
喜隨車半日強敢云誠感格乃以慰徬徨願得終霑足
休令更斷腸腐心將此意揮淚告吾皇

六月六日斗園集諸友限韻不隱居三首

吏暑驕煩熱涼軒衆木函清泉荷吐碧古寺栢啣藍寂
每聞僧講清常與客談人其義以上風乃舜之南野致
松非五幽探竹偶三平生無所好此趣得無貪
遊者清如此風乎快若何妙於天趣勝景以客尋多谷
霧衣山樹潭花繡石莎逕迂時藉草橋斷每攀蘿偶俗
經年厭窮芳感夏過諸君如解事其可不顏酡

又和前韻

人言壺世界俱在此中函冷樹挑浮白閒雲點蔚藍野
雖憑客過妙不與人談只近城之北而空斗以南是辰

當六六與子悟三三快絕翻清極鍾情豈謂貪
小構雖環堵其中致若何天然皆用拙奇甚那因多日
倦奴洗樹風酣客卧莎平崖幽洞豁小徑險藤蘿既已
償前約寧須靳再過醉醒皆得趣豈必定顏駝

和韓君顓秀才

欲巢崖半樹乃構水中庵惟僻堪高隱其清可細參一
枝青竹杖幾片白雲嵐性拙嘲流俗禪深服老曇懶常
亭午睡狂至夜分酣山在古而野不須南更南

人生但笑歌其可竟蹉跎軟綠宜幽踏連青耐細觀樹
間縣客榻雲半踞僧窩每夏先澆菊經年不產莎時狂

澹石蘚偶誤入烟蘿是節堪修禊無心致永和

五言絕句

偶拈自和

後石隱居作

天與本無別所爭思未切靜觀無物時同此萬川月
蔽處難分別總緣交物切猛然開眼看雲淨吐山月
思到得原別虛圓而透切不知月在天向水捉明月
苟知心趣別耳目皆親切只此見前景水風與天月
渾同何用別說切豈真切蒼者固非天廣寒寧是月
忙逐徑蹊別與心毫不切欲開長夜昏直揭尼山月

雜感二十四首

思君不勝情欲分我所有非敢私白雲只恐君不受
青山不要錢所以不須買負郭多膏腴一主十年改
造船爭渡錢持篙奔要津渡錢不可得風波險煞人
築屋占沙灘不肯退尺寸終有衝決時曾說君不信
餓犬寂然卧性命非不切一骨投其旁相嗥不休歇
只道彼山高脚跟不肯住及至到彼山又非落腳處
迷路問石人惆悵終不語傍人指錯路奔忙不知苦
市上爭一錢怒發滿頭血掘地埋黃金子孫輕消滅
一兔走入市傾國爭攫取獵人非無兔過者不一顧
深淵有蛟龍佯聾如閉戶雲霧空遮天不成一滴雨

鷓鴣宿一枝自謂無爭者不知樹陰間黏竿在其下
傀儡多機關線索隨人提要識真面目試觀不提時
蘭爲王者香韜晦乃無辱嗟彼當門鋤胡不生幽谷
牧歌何徜徉其心無繫累道中拾百錢半夜愁不睡
穴墻多黠鼠經歲困廩蠹主人自有貓明知不肯捕
道旁有毒蛇盤踞擇人食有一術道人爲之傳兩翼
市人相交結親切如弟兄一事轉頭瞞半錢反回爭
兄弟竝演劇扮作楚與漢明知是戲局入場便爭戰
經年互爭持云是觸與蠻猛然忽覺悟只在蝸角間
攤局爭心生收局爭心滅一局復一局輸贏爭不歇

但看手掌間掌外不曾看有時眼模糊連掌看不見
說醒仍是夢夢中却不知安知醒說醒不似夢中時
墻內墻外人各人見半面一拳搥破墻請君睜眼看
飛蠅鑽紙牕困頓終不住若肯知回頭卽是廓然路

齋中卽事

捲簾寬乳燕瀟水醒遊魚猶自嫌多事牀頭滿架書
雨過宜栽竹推牕取晚涼此中應睡足不是傲羲皇
客至旋賒酒花開每索詩烟高鄰媪見知是煮茶時
蓬門蘿徑敞不爲客方開時見二三子乘閒問字來
逢人詢近况開口說青山汲婦驚蛙叫樵僧傍鶴還

長樹降驕日寒泉護冷雲其間真趣味常與故人云

出門曲四首

南皮

出門紅日高薄暮猶未歸浮雲何休歇凍風吹客衣
萬家爭晚炊凶烟霧人目飛鴉遶高樹山暝不知宿
狹斜多少年高樓醉浮白東鄰有飢叟空釜對兒泣
桃樹依墻枯柳樹多萎黃獨有老松樹年年抗風霜

七言絕句

遊黃華洞憩萬松亭書石

後李充作

峭壁重重入畫圖一灣松樹萬千株當時未識秦皇面
憑汝參天不大夫

山洞白雲深更深曾經玉女下修真相逢得長生藥
不願成仙願度人

花落花開落又開閒雲日日度山隈野人家更山雲外
可有催租到此來

碭山公署聞張五鹿太守登岱却寄

昨宵岐路雨漫漫此日荒村才授餐勝地登臨休便去
好將遊興共盤桓
明朝何處酒籌歡日觀峰頭縱目看不是三神山島近
雲中那得一丸丹

黃梁夢

初授司理過邯鄲

北雁南鴻去復來蘧蘆到處總塵埃何人不說黃梁夢
大夢年年喚不回
謾論仙夢一炊多眼底浮華總易過喚起盧生君試問
枕中身世但如何

涇陽驛次李于田韻

來來鴻斷暮雲垂冷落郵亭滿壁詩濃淡數行殘墨裏
小牕斜捲夕陽枝

枝頭烏鵲噪斜陽此處驚來前度郎多少遊人空便老
擬從何處問滄浪

浪遊何事便生嗟爲恐閒愁織鬢華不信從前君但數

古來身世總空花
花枝飾月滿寒苔
醉倚晴牕去復迴
猶恐明朝歸路冷
詩成喚取濁醪來

春日諸同寅兗州城樓小集

次第烟叢綠未勻
醉時山色雨中新
漁郎却向桃源去
魯殿東頭已放春
何處尋來對酒歡
滿城烟景畫中看
不知花逐東風去
絕勝登臨到醉闌

新柳

一簇茸絲嫩染初
柔腰細細黛疎疎
若將眉畫還容易

餓瘦宮腰舞不如

春色一年一度新
年年眼底盡風塵
遊絲只解牽愁緒
幾見隋堤絆得人

春日范質公寄詩奉和

記得年來對酒餘
小牕拈韻看盆魚
自從忙到春光了
腸斷東風半紙書

憐春春望望東溟
一派雲烟画不成
尋到武陵花放處
漁郎可是便無情

曼倩一囊餓欲死
淵明三徑醉偏憐
笑將腰骨羸來粟
盡把當墟作酒錢

不信相交淡是疎世情濃處便何如邇來時態炎涼盡
猶有故人頻寄書

午睡

晴日落花花更開半墻新柳帶烟來可憐春色偏宜睡
不是流鶯喚不回

楊柳青青春去否上林花事竟如何小牕睡起無人語
那得當年春夢婆

過雨花庵

幾度長亭復短亭陌頭花發柳初青閒過便覺紅塵遠
不爲蒲團半卷經

落花十二首

香浸蒼苔數點紅夜來誰遣逐東風可憐春色能多少
歲歲飄零紫陌中

兒童拾得欲何爲爲道飡英可療飢若許花間真辟穀
何妨日日不晨炊

醉倚空枝好問渠爲誰枝上漸稀疎世間都笑崖松淡
君看落花如不如

樹樹飛紅滿砌鋪東風一夜別榮枯隔墻空有殘榆莢
買得春芳半點無

富貴東園一派春落時爭似放時新當時枉費金鈴護

鳥雀空來埋怨人

但因銷恨對芳樽
落處猶憐不掃軒
只恐香隨流水去
漁郎浪說武陵源

花開花落莫悲酸
好放傍人冷眼看
笑煞風前狂蛺蝶
又隨殘片度闌干

一樽村酒對花前
香滴空堦淡著烟
是處飛遊真自在
肯因淪落受人憐

舞盡香魂不可招
滿庭紅雨亂蕭蕭
夕陽枝上堆濃綠
猶是新粧簇翠翹

幾度徘徊把舊梢
可憐花事等閒拋
不知春意無憑據

試比人間似市交

君王羯鼓懶催花花事
於今總可嗟
細細餘香空冷落
不知吹去到誰家

十八封姨妬未平
空傳數斗擷花精
春工自是多才思
禁得東風不世情

桃蹊

萬樹紅桃笑客忙
乘人忙處放春光
深紅殘碧非無意
天許吾曹向此狂

卞里仲子祠

突起名祠泗水東
升堂迴眺想高風
千年冠劍秋陰裏

數仞宮墻落照中

崑崙山有石翼然而起

道人携我到山巔怪石峻嶒不記年底事秦皇鞭未得
高撐一柱插青天
突起龍翔伏虎眠孤峰萬丈碧霄連不知還有仙人否
火煉將來更補天

蓬萊閣漫興

滄洲直接到金臺且曳塵韉縱目來悵望蓬萊無覓處
不知身已在蓬萊

午睡驚潮夢不成鶴輶曾見許飛瓊報來王母堂前果
曼倩不偷今又生

珠璣崖

玉仙斜挽翠雲鬟簪珥新粧手自刪若道珠宮渾幻事
不應鮫淚在人間

水府驪龍未可招何緣珠琲出鮫綃細看多是支機碎
此去仙宮想不遙

粒粒珠璣得未曾年來可惜落山稜空從合浦求靈蚌
枉殺光連十二乘

有感

倦裏歸來夜解鑣忙忙曉起到深宵可憐纏了黃茅署

又報東來合折腰

柳堤車馬帶村烟日暮初食倦不眠手板青衫塵撲面
夜歸羞煞細君憐

兀自悠然坐小齋索炊兒女立空堦非無五斗淵明粟
半贈楮生半買柴

蕭然四壁數莖椽危坐無心自可安莫怪蝸廬剛似斗
看來世界不如寬

赤子滿前天在頭肯將丹筆逐東流也知終礙時人眼
百煉應難繞指柔

羞澁阮囊無一錢昂藏終不受人憐治生何用連阡陌
種得方方一寸田

曼倩俸錢二百餘萊蕪漸見釜生魚故人休笑貧無贈
猶有一囊平反書

曉起

推牕睡起日初華一夜堦前草幾花蛺蝶墻東空自舞
不知春在野人家

日影重重花影斜惱人牕外亂啼蛙起來長晝渾無事
淡煮松蘿冷嚼瓜

范公泉

陵谷從來幾變遷如何獨道范公泉分明濟世源頭活

古往今來盡義田
一甌清冽不勝甘
普濟須同橋井看
莫怪丹成憑法水
尋思我亦有真丹

和張抱初講學

後石隱居作

都將雲霧當青天
管裏偏能見豹全
放却自家真種子
終年持鉢問人傳

吾曹所重在躬行
浩氣還於集義生
若向口頭敷衍去
寧知天載本無聲

下手何愁認取艱
分明利與善之間
其中倘得真扁鑰
夜夜柴扉不必關

此道何須向外求
元來率性卽真修
試於倦臥飢餐看
大笑從前問索丘

睡起

睡起蘧蘧自在時
開牕香已到花枝
池魚樹鳥皆合樂
只是吾儕不得知

獨坐藤花老樹根
清風明月滿山村
春來春去無人管
唯許白雲長到門

出門面面是青山
老澗長松水曲環
一對芒鞋雙竹杖
無窮真樂在其間

要熟須從這裏過
孤峰絕磴苦攀蘿
每疑山在雲霄外

明倫先生文集 卷之二十一
三
及到高頭路不多

無
再題黃梁夢

戊辰起壘卿時作

古柳孤祠老北風
荒堂停馬問回翁
大家同入青甕枕
何獨盧生是夢中

夢到封侯不肯歸
半生榮遇欠伸非
蒙莊落魄何曾見
只解蘧蘧化蝶飛

黍飯蒸殘枕竅開
才知身是夢中回
煩君更入遊仙枕
携出當年富貴來

休驚一夢百年多
就是百年元易過
冷眼夢塲看做夢
一拳槌碎枕如何

夢裏說醒仍是夢
醒來說夢說仍癡
枕中如意前身事
寧信青駒非夢時

銷磨塵世一炊中
五十餘年事業空
但惜身登鉉鼎日
不曾親見魯姬公

年年題句笑邯鄲
請入盧生枕竅看
只恐夢魂窮盡處
更尋別竅到槐安

謾說開元夢蹟奇
吾曹身世亦如之
只今郵館誰蒸飯
點化黃梁未可知

文王羨里 戊辰

鬼火陰房演易城
孤忠未死七年情
宜生賂女非文意

明德先生文集 卷之二十一
臣罪當誅王聖明

定興固村懷鹿乾嶽用壁間楊文弱韻

戊辰

樽酒烘爐手自開未應空到剡溪回雪村且起袁安卧
等我騎驢薄暮來

只在前村抱膝吟平田遠浦隔深林太行絕頂雲中見
寒雪孤峰別後心

夏日閒居十首

庚辰

人謂天不禁人富貴而禁人清閒予謂人自不
閒耳天何嘗禁人閒不清故不閒不閒故愈不
清不知人終日忙忙此甚物事到雨罷庭空歌

闌客散回頭想人終身忙忙此甚物事閒居十
首卽事也隨意寫况樂亦在其中矣時庚辰賜
閒居雜每首用閒字非獨寫况亦彰

君恩云爾

水竹清閒隱士家半牀書史一盃茶疎簾不捲香風入
鵲起驚搖夜合花

日長耽睡起蘧蘧閒學蒔花或種魚不爲病中疎筆墨
多時懶答故人書

北牕高卧更何求閒課松風思轉幽頗憶當年魯尼父
何緣久不夢東周

滿盤水果在水壺鄰舍青帘任意沽不識征人爭路處
可曾消受此閒無

長安不論在西東隨意掀髯一笑中不信丹山閒隱鳳

萋萋烟霧老梧桐關中語曰人間長安樂則西向而笑僧皎然詩曰還如瞽老望長安長安

在西向東笑

草屨繹帽與荷衣領略閒中得趣微更欲虛空尋太極
滿山青綠是耶非

閒砌無人午夢遲有時科跣自吟詩松邊鶴睡無拘管
驚起敲門誰問奇

日來負笈喜多賢銷夏閒箋十八篇兒輩過庭時有問

恐人擬作子雲玄時箋季經衍義

只此喧塵城市間悠然沉靜若深山仕途老友如相問
夜夜熟眠清晝閒

小池清碧冷梧陰恬靜虛明見此心假使胸間馳一事
閒中真樂豈能尋時作池引水於梧陰

集詩

禱雨集詩石隱居作

天生蒸民曷飲食之厭厭其苗陰雨膏之如彼歲旱寤
寐求之今此下民不如死之

五月鳴蜩六月徂暑七月流火靡神不舉庶幾夙夜以

祈甘雨何多日也寧不我顧
自古在昔豐年穰穰旱既太甚民卒流亡興雨祈祈農
夫之慶叶結殷其雷在南山之陽
虺虺其雷凄其以風終風且曠視天夢夢跂予望之
蟪蛄在東悠悠蒼天降此鞠誥

瞻彼旱麓潛焉出涕何草不黃無木不萎禾麻菽麥不
死何俟不日不月俾滂沱矣

之子于苗載芟載柞鮮可以飽言采其蕨旱魃爲虐如
火烈烈維日不足輾轉反側

民亦勞止杼柚其空率西水滸至於海邦叶悲瘼我飢

饑四方攸同此宜無罪寧丁我躬

王事靡盬維其棘矣民之訛言曷維其已崧高維嶽在

帝左右叶羽天之方難哀如充耳

其雨其雨我公田夜如何其三星在天田祖有神出
話不然適彼樂土迄用康年

勞心忉忉謂天盖高曾不崇朝哀我人斯維其時矣神
之聽之無曰高高在上天實爲之

皇朝文獻通考
卷之二十一

三

